

概令違背章程之人補足
十投得該地之人由投得之日起將該地購其營業

業主合同式

立合同人某某于某年某月某日投得某處地段應遵照上列開投章程情願作為該地段業主取紅契為憑

投賣號數

第一號即冊錄村落地段第五十二號每年地稅銀三十八圓

大英一千八百八十七年 三月 二十六日示

憲示 第一百一十三號

署輔政使司史 案奉

督憲諭將

大清巡工司示諭抄示以備週知

大英一千八百八十七年 三月 二十六日示

大清各口巡工司畢 為

通行曉諭事照得本巡工司前奉

總稅務司赫 憲劄行以沿海沿江建造燈塔浮樁等事或係創設或
官改移或有增添或須裁撤營造既有變更務即隨時彰明出示通曉
各處俾得行江海船隻周知徧喻等因茲本巡工司查津海關稅務司
所屬界內攔江沙外現仍設原船改用別樣燈式合將其情形開列左
計開

一天津府大沽北河口攔江沙外前所設之燈船一隻原用透鏡白光
常明燈該燈船於去年冬月因冰河暫撤不用現於本年二月初四日
將該船仍設原處惟其燈改用凹鏡逼射白光漸明漸滅者每半小時
明滅一轉燈火距水面三丈晴時應照三十三里
為此合即遵行出示通曉各處船隻其務宜留心詳記以免疏虞勿忘
勿忽切切特示

光緒十三年 二月 十七日 第二百八號示

憲示 第一百一十五號

署輔政使司史

曉諭招投承接事照得現要招人投接 一在堅利德城建造海欄由
必治街起至高連信街止 一在堅利德城建造海欄由高連信街起
至中街止所有投票均在本署收截限期收至西歷本年四月初八日
即禮拜五日中午止如欲領投票格式可赴本署求給倘另欲觀看章
程及知詳細者前赴 工務司署請示可也各票價列低昂任由
國家棄取或總棄不取為此特示

一千八百八十七年 三月 二十六日示

憲示 第一百一十六號

署輔政使司史 為奉

督憲諭將 華民政務司按照防染惡疾則例所出告示開列以便週
知特示

一千八百八十七年 三月 二十三日示

署安撫華民政務司駱

曉諭事照得現因油麻地海旁第三十七號門牌二層樓確犯私開娼
寮之例茲本署司於本月二十三日案照一千八百六十七年防染惡
疾則例第二十三款判斷並將此案曉諭以便週知特示

一千八百八十七年 三月 二十三日示

署安撫華民政務司駱

曉諭事照得現因油麻地海旁第四十四號門牌二層樓確犯私開娼
寮之例茲本署司於本月二十三日案照一千八百六十七年防染惡
疾則例第二十三款判斷並將此案曉諭以便週知特示

一千八百八十七年 正月 二十日示